

Den Ambiente



JAN POETS

CLAUDIUS HONRA PA UN DISCO DI ORO PA SU SUPER EXITOSO ALBUM "SACA E BOEM"



**** Riba foto nos por aprecia Claudius Philips, Don Antonio Lacle, Tony van Veen, Efi Thiel y Bulu Viloria sumamente contento cu nan GOLDEN ALBUM...**


**** CLAUDIUS PHILIPS** a bolbe marka pauta den historia di farandula aki na Aruba, na momento cu ayera noch den Playa Linda e la ser honra pa un **DISCO DI ORO**.

Claudius Philips a ricibi su **"GOLDEN ALBUM"**, pa e hecho cu e la sa di logra mas di **10.000 COPIA DI C.D.** ariba mercado di su super exitoso produccion **"SACA E BOEM"**.

Tambe e propietario di Aruba Recording Studio Don Antonio Lacle, y su dos ingenieronan di studio Efi Thiel y Bulu Viloria a ser honra cada un pa un **GOLDEN ALBUM**.

Por a nota caranan di alegria y satisfaccion na momento cu e representante di **DISC MAKERS** di Philadelphia, sr. **TONY VAN VEEN**, hasi entrega di e valioso **DISCO DI ORO** - **NAN** na Claudius Philips, Antonio Lacle, Efi Thiel y Bulu Viloria.

Durante e anochi historico aki, tambe tabata presente e gran cantante **Edwin Abath** kende a dirigi palabranan di elogio pa e gran logro di Claudius Philips. Ademas



Edwin Abath kende ta un gran amigo di Claudius Philips a ilustra den su speech cu e no ta kere den suerte pa logra algo importante asina, pero simplemente Claudius Philips ta un

artista cu sa programa su metanan den un forma exitoso.

Tambe Edwin Abath a bisa cu Claudius Philips por ta un ehempel pa tanto nos musiconan como tambe pa nos futuro artistanan. Porcierto **DEN AMBIENTE** a goza e tremendo palabranan di Edwin Abath, cualnan tabata na su debido lugar dirigi na nos gran artista Claudius Philips.

Sin duda henter **ARUBA**

mester ta sumamente **OR-GUYOSO** di nos **MIGHTY TALENT**, pa e valioso **PREMIO HISTORICO AKI**.

Tambe un palabra di **PABIEN** ta bay na **DON ANTONIO LACLE, BULU VILORIA** y **EFI THIEL**. Tambe nos no por lubida e **INTEGRANTENAN DI GRUPO O.R.E.O.** y "last but no least" e pilaar tras di Claudius y su grupo **O.R.E.O. Edwina Werleman**. Un biaha mas **DEN AMBIENTE** ta manda un **PABIEN GRANDI** na tur esnan cu a hasi pa **ARUBA** por a logra di conquista un **DISCO DI ORO**...

NA MEMORIA DI UN GRAN COSTURERO "MAMA CAYA"



**** Mama Caya tabata stima carnaval asina tanto, cu ni maleza no tabata por a pone keda cas. Aki nos por aprecia "Mama Caya" (q.e.p.d.) sinta den su rollstoel hunto cu su famianan ta disfrutando di e tremendo carnaval di aña pasa na San Nicolas.**

**** Siman pasa Aruba a perde un gran costerero** den persona di **"Mama Caya"**, kende a colabora pa hopi aña cu nos carnaval pa loke ta trata vestuarionan y disfraznan.

Seferina Cathalina Ras - de Windt, cariñosamente yama **"Mama Caya"** pa hopi aña a percura pa e integrantenan di Musical Time tabata bon representa cu nan vestuarionan. Un di e artista cu semper tabata vislumbra cu su trahe tabata Long Roy. Tambe pa varios aña **"Mama Caya"** a traha duro pa e grupo di Esso Club luci como un di e gruponan mas luhoso durante nos carnaval.

Trabao di un costerero ta un trabao di hopi pasenshi, y no ta algo cu tin final si bo ta un bon costerero. Asina tambe tabata e caso cu **"Mama Caya"**, kende no tabatin descanso y semper cu su sonrisa manera un berdadero MAMA, e tabata cla dispuesto pa yuda un i tur pa nan tambe luci cu nan trahe tanto den ambiente di carnaval of pa cualkier evento.

Tambe **"Mama Caya"** pa hopi aña a cose bistiman di bruid, y tabata un di e costerero mas solicita den e pueblo di San Nicolas. Tabatin personanan for di diferente districtonan tabata bin te San

Nicolas pa **"Mama Caya"** cose nan bistiman.

DEN AMBIENTE a lanta den temporada di teenager na cas di **"Mama Caya"**, na unda semper **"Mama Caya"** su porta tabata habri pa tur hende. **"Mama Caya"** tabata manera un MAMA pa **DEN AMBIENTE**, y su bon consehonan manera un MAMA a sirbi pa locual awe **DEN AMBIENTE** por goza di dje.

Pa locual **"Mama Caya"** a hasi pa nos carnaval, no tin premio den e mundo aki pa recompensé. Cu dolor inmenso, nos lo mester acepta e perdida grandi di nos defunto stima, cu despues di hopi sufrimento a bandona su mundo pa drenta den su gloria unda e lo sosega pa eternidad.

Dushi Birgen Maria, a dune un caracter noble pa cual e a gana simpatia y amor di tur hende. Humildemente nos ta roga Bo, ricibi di bo sirbidora Seferina Cathalina **"Mama Caya"** Ras - de Windt hunto cu angelnan pa e por goza di un descanso eterno den reino celestial. Dune su recompensa cu nos no por a dune na e mundo aki. **"MAMA CAYA"** **DANKI** pa tur locual bo a hasi pa nos. **SOSEGA N. PAZ.**